



Stine Egede
Inuit Ataqaṭigiit sinnerlugit Inatsisartuni ilaasortaḡ

§ 37 145/2019 apeqqummut akissuteqaat

1. Nunatsinni nunaqarfiit qassinik innuttaqarpata, peqqissaasutut (sygeplejerskesut) ilinniarsimasumik peqqinnissaqarfimmit sulisulerneqartarpat ?

Akissut:

Suliffeqarfiit assigiinngitsut peqqinnissaqarfiup qitiusumik immikkóortuini sullissinnermut allakkiami¹ takuneqarsinnaapput, tassani qitiusumik immikkoortut ataasiakkaat innuttaasut amerlassusaat tunngavigalugit pilersinneqakkajunnikuullutik. Sullissinikkut allakkiami suliffeqarfinni ataasiakkaani inississuineq nassuiarneqarportaaq. Najukkamili pissútsit tunngavigalugit iliuuserisartakkat allanngorarsinnaapput. Taamaakkaluartoq ilisimatitsissutigineqarsinnaavoq nunaqarfiit 200 ataallugit innuttallit tunngaviumik nunaqarfimmi nakorsiatitsiveqarmata. Anguniarneqarpoq nakorsiatitsivik, peqqinnissakkut sullissisumik sapaatip akunnerinik 22-nik sivirususilimmik ilinniarnikumik, nunaqarfimmi sulioqarnissaa. Nunaqarfiit anginerit 200 aamma 500 akornanni innuttallit tunngaviumik peqqissaavimmik ataatsimik arlalinnilluunniit nunaqarfimmi peqqinnissakkut sullissisumik aamma /imaluunniit sundhedsassistentit aamma / imaluunniit peqqissaasunik ilinniarsimasumik sulisoqarput.

2. Nunaqarfiit qassit sygeplejerskeqartussaagaluit inuttassaqaṅgillat ?

Akissut:

Apeqqut 1-mut atatillugu nunaqarfiit qassit peqqissaasunik amigaateqarṅersut naatsorsoqqissaarneqarsinnaaṅgilaq. Kisianni sulisoqarniarnikkut ajornartorsiutit pissutigalugit nunaqarfiit amerlanersaasa nunaqarfinni peqqinnissakkut sullissisumik ilinniarsimasumik imaluunniit ilinniarsimaṅgitsunik sulisoqarput. Sapinngisamik nunaqarfimmi peqqinnissakkut sullissisussat nunat immikkoortuinit / peqqissaavinnit akisussaasuusunit ilinniartinneqartarput.

27-03-2019
Sags nr. 2019 - 7171
Akt nr. 10320760

Postboks 1160
Tlf: 34 50 00
Fax: 34 55 05
3900 Nuuk

Email: pn@nanaq.gl
www.naalakkersuisut.gl

3. Nunatsinni nunaqarfiit qassit iisartagalerinermut allatulluunniit pikkorissarsimasumik sulisoqarpat ?

Akissut:

Naatsorsuutit maj 2018-meersut takutippaat piffissami tassani nunaqarfiit 55-iusunit 19-nit ilinniarsimasunik sulisoqartut, pingaarnertut nunaqarfimmi peqqinnissakkut sullissisunik, kisianni aamma sundhedsassistentitut peqqissaasutullu ilinniarsimasunik. Upernaakkut 2019 ingerlanerani atorfillit qassit pikkorissarsimanersut, ilinniagaqarsimanersut allatigullu iltersortissimanersut / piginnaasaanik qaffassaasimanersut naatsorsorneqassapput.

Peqqissaasutut sullissisussatut sapaatip akunnerinik 22-nik ilinniagaqarusuttunik atorfinitsitsiniarnermik unamminartoqarpoq. Peqataasut Nuummukartariaqarput, aammalu napparsimavimmi peqqissaavimmiluunniit praktikkerlutik. Peqataasut tamanna ilaqquttat il.il. pissutigalugit sapernartittarpaat Taamaattumik ilinniakkap modulikkaarlugit ingerlanneqarnissaa sulissutigineqarpoq, taamaasilluni peqataasut nunaqarfimminut angerlarsinnaaniassammata ilaqquttatillu najorlugit. Periuseq tamanna angalanerit amerlanerunerat pissutigalugu amerlanernik aningaasaqarnermik piumasaqaateqarpoq.

4. Nunatsinni nunaqarfinni peqqinnissaqarfiit qassit sulisussaaleqippat?

Akissut:

Pingaartumik nunaqarfiit minnerit sulisussarsiornikkut unamminartorsiorput. Tamanna pissutsinik arlalinnik peqquteqarpoq, ilaatigut nunaqarfinnit noorartut, suliamut atatillugu kisermaassivallaarneq, inigisat nalitsinnut tulluanngitsut kiisalu ilaasa kikkut tamarmik imminnut nalunnginnerat peqqutigalugu peqqinnissakkut sullissinikkut killissamik qaangiinertut isigisarmassuk. Taamaattumik akulikitsumik aamma takuneqartarpoq peqqinnissakkut sullissinermut ilinniagaq atorfinnut allanut aqqutissiuussisutut atorneqartoq, taamaasilluni ilinniakkamik naammassinerup kingorna amerlasuut nunaqarfimmiit nuunnermik kinguneqartarluni.

5. Iisartagalerinermik, ikiueqqaarnermik allatulluunniit ilinniartitseqqittarnerit qanoq akulikitsigisumik ingerlanneqartarpat?

Akissut:

Nunaqarfimmi peqqinnissakkut sullissisutut ilinniarsimasooq, sapaatip akunneri 22-nik sivirususilimmik ilinniagaqartarpoq, ilinniagaq sapaatip akunneri 12-nik atuagarsornertaqarpoq aamma sapaatip akunneri qulit praktikkerfulluni. Ilinniarnerup nalaani iisartagalerinermik, eqqiluisaarnermik nunaqarfimmilu nakorsiartarfimmi nappaatit nalinginnaasut aamma napparsimasut pinarsuartut isumaginissaanut ilisimasaqalerneq anguneqartarpoq. Kisitsisit ataaniittut Peqqissaanermik Ilinniarfik (PI) ilinniartut, 2010-miit ilinniarnissamat tigusaanikut amerlassusii takutippaat. 2010-miit peqqinnissakkut sullissisut 51-it ilinniarsimapput.

Ukioq	Aallartittut	Naammassisut
2010	10	10
2011	7	6
2012	7	7
2013	5	5
2014	7	7
2016	6	6
2018	10	10
2019	7 (qinnuteqartut)	

Taassuma saniatigut anguniarneqarpoq nunaqarfinni peqqinnissakkut sullissisut napparsimavimmi imal.peqqissaavimmi najukkami pikkorissarnermik imal. praktikkerneermik ingerlataqassasut imaluunniit PI-mi ilisimasat nutarteqqinniarlugit napparsimasut pinasuartut passunnissaanut pikkorissarnissamut . neqeroorfigineqassasut. Taamaattorli ingerlannissaanut nalunaartut naammanneq ajormata pikkorissarneq ingerlanneqarneq ajorpoq. Aammattaaq nunaqarfinni peqqinnissakkut sullissisut praktikvejlederitut pikkorissarsinnaapput, taamaasillutik nunaqarfimmi peqqinnissakkut sullissisussatut ilinniartoqarnerani, praktikvejlederitut ingerlatsisinnaallutik.

6. Ukiuni kingullerni tallimani, sulisussaaleqineq, sulisunilluunniit ilinniarsimasunik pissaaleqineq arlaatigut kingunerlutitsinikuuva ?

Akissut:

Nunatsinni Nakorsaaneqarfik peqqinnisaqarfinni sulisunut suliffeqarfinnullu nakkutilliisuvoq, suliallu ilungersunartut, soorlu sulisunik akuusoqarsimappat sularinnittuvoq. Nunatta Nakorsaaneqarfia peqqissutsikkut maalaarutit aamma sularisarpai. Suliassat tamakku inunnik ataasiakkaanut tunngapput taamaattumillu oqaatigeqqusaanngillat tamanullu saqqummiunneqaqqusaanatik.

Pisunik ilungersunartunik pisoqarsimatillugu imaluunniit ilungersunartumik napparsimasoqartillugu naatsorsuutigineqarpoq nunaqarfinni peqqinnissakkut sullissisoq nakorsamik peqqissaasumilluunniit nunat immikkoortuata napparsimavianni peqqissaavianiluunniit attaveqassasoq. Pinasuartumik unitsitsisoqarnissaa nalilerneqassappat napparsimasoq qimagutitsinneqassaaq. Taamaattorli taamaattoqassappat nunap aaqqissuussaanaera avinngarusimaneralu pissutigalugu navianartoqartuaannarpoq, taamaasilluni nakorsaq peqqissaasorluunniit sivirusumik aggerniarsinnaalluni. Taamaattumillu napparsimasup katsorsarnissaa ataqatigiittumik ingerlanissaagalua pinngitsoorsinnaasarluni.

7. Nunaqarfinni napparsimaveqarfinni sulisussaaleqineq inissaaleqinermik tunngaveqarpa ?

Akissut:

Akissuteqaat apeqqummi 4-mi takuuk.

8. Nunaqarfinni peqqinnissaqarfinni sulisut peqannginnerini tamatigut taartaasussamik piareersimasoqartarpa ?

Akissut:

Aalajangersimasumik sulisussarsionermik unamminartut pioreersut annertuut tunngavigalugit nunaqarfinni peqqinnissakkut sullissisoq nunaqarfik qimakkaangagu taartissaqarsinnaaneraniq pissarsisinnaaneq ajornakusoorpoq. Pisut ilaanni nunaqarfinni nakorsiatitsivimmut matuersaat nunaqarfinni tatigisamut tunniunneqartarpoq. Innuttaasut annertuumik ajoqusersimappata pineqartoq attavigisinnaavaat, taassumallu napparsimavimmut / peqqinnissaqarfimmut siunnersortinniarluni aamma mattusersuiniarluni, nimersiniarluni nakorsaatinilluunniit tunniussiniarluni il.il, akuersissummik piniarluni attavigisinnaavaa.

Inussiarnersumik inuulluaqqusillunga
Med venlig hilsen


Martha Abelsen